



# **Byggðasamlag Vestfjarða um málefni fatlaðs fólks**

**BsVest  
Ársskýrsla 2014**

## Efnisyfirlit

Inngangur. ....	2
Félagsþjónustusvæðin .....	3
þjónusta sem veitt var á árinu 2014.....	3
Fjöldi fatlaðra einstaklinga í virkri þjónustu. ....	4
Skammtí mavistun Sindragötu 4 – 6 Ísafirði.....	5
Stuðningsfjölskyldur. ....	6
Sumarúrræði. ....	7
Lengd viðvera .....	7
Hæfingarstöðin Hvesta.....	7
Vinnusamningar. ....	8
Búseta – sólahringsþjónusta. ....	9
Frekari liðveisla.....	9
Vesturafl .....	11
Staðan- Verkefni framundan. ....	12
Tafla 1 Fjöldi í virkri þjónustu .....	4
Tafla 2 Fjöldi barna með fötlunargreiningu.....	4
Tafla 3 Fjöldi þjónustunotenda skammtí mavistunar eftir félagsþjónustusvæðum .....	5
Tafla 4 Nýting félagsþjónustusvæðanna á skammtí mavistun eftir sólahringsfjölda á ári .....	5
Tafla 5 Rekstrarniðurstaða skammtí mavistunar frá 2009-2014.....	6
Tafla 6 Fjöldi stuðningsfjölskyldusamninga.....	6
Tafla 7 Stuðningsfjölskyldur samanburður milli 2009-2014.....	6
Tafla 8 Hvesta .....	8
Tafla 9 Rekstrarniðurstaða Hvestu .....	8
Tafla 10 Rekstrarniðurstaða búsetu .....	9
Tafla 11 Fjöldi í þjónustu (Frekari liðveislu).....	10
Tafla 12 Fjöldi stöðugilda (Frekari liðveisla) .....	10
Tafla 13 Rekstrarniðurstaða (Frekari liðveisla).....	11
Tafla 14 Framlög og stöðugildi .....	11

## Inngangur.

Öll sveitarfélög á Vestfjörðum standa saman að þeirri þjónustu sem sveitarfélögin tóku yfir frá ríkinu um áramótin 2010/2011. Byggðasamlag Vestfjarða um málefni fatlaðs fólks (framvegis BsVest) sér um málaflokkinn og er stjórn Fjórðungssambands Vestfjarða jafnframt stjórn BsVest.

Fundir stjórnar varðandi BsVest voru fimm á árinu 2014.

Stjórn BsVest frá janúar-október 2014 skipuðu:

Albertína F. Elíasdóttir  
Friðbjört Matthíasdóttir  
Sigurður Pétursson  
Sveinn Ragnarsson  
Ómar Már Jónsson

Ný stjórn BsVest var skipuð á Fjórðungsþingi Vestfirðinga þann 3-4. október 2014 í henni sitja:

Friðbjörg Matthíasdóttir, formaður, Vesturbyggð  
Baldur Smári Einarsson, varaformaður, Bolungarvíkurkaupstaður  
Daníel Jakobsson, Ísafjarðarbær  
Ingibjörg Emilsdóttir, Strandabyggð  
Sigurður Hreinsson, Ísafjarðarbær

Fagleg stjórnun málaflokksins þ.á.m samræming þjónustunnar, tillaga að skiptingu fjármagns, reglur og fleira er í höndum verkefnahóps sem er skipaður af félagsmálastjórum hjá hverju sveitarfélagi fyrir sig á Vestfjörðum og verkefnastjóra BsVest.

Félagsþjónusturnar eru fjórar og sjá um alla daglega framkvæmd á sínu svæði s.s. að annast rekstur stofnana, sinna ráðgjöf og halda utanum einstaklingsmál.

Verkefnahópurinn starfar samkvæmt erindisbréfi frá stjórn BsVest.

Verkefnahópur BsVest er skipaður þannig:

Sif Huld Albertsdóttir, verkefnastjóri.  
Margrét Geirsdóttir, varaformaður.  
Elsa Reimarsdóttir.  
Guðný Hildur Magnúsdóttir.  
María Játvarðardóttir.

Einnig situr Aðalsteinn Óskarsson framkvæmdastjóri fundi Verkefnahóps og ritar fundargerðir.

Fundað er reglulega, árið 2014 voru 9 fundir skráðir, bæði voru snertifundir og símafundir.

## Félagsþjónustusvæðin.

### 1. Félagsþjónusta Ísafjarðarbæjar.

Ráðgjöf, stuðningsfjölskyldur, skammtí mavistun (fyrir alla Vestfirði), hæfing/iðja (fyrir alla Vestfirði), atvinnutengd úrræði, frekari liðveisla, lengd viðvera, þjónustuíbúðir (sólahringsþjónusta), sumarúrræði.

### 2. Félagsþjónustan við Djúp.

Ráðgjöf, stuðningsfjölskyldur, skammtí mavistun (veitt á Ísafirði) hæfing/iðja( veitt á Ísafirði), frekari liðveisla.

### 3. Félagsþjónusta Stranda og Reykhólahrepps.

Ráðgjöf, stuðningsfjölskyldur, skammtí mavistun (veitt á Ísafirði), hæfing/iðja (veitt á Ísafirði), frekari liðveisla, þjónustuíbúð og búseta.

### 4. Félagsþjónusta Vestur Barðastrandarsýslu.

Ráðgjöf, skammtí mavistun (veitt á Ísafirði).

## Þjónusta sem veitt var á árinu 2014.

*Hér á eftir er samantekt á þjónustu sem veitt var á árinu 2014.*

Við skiptingu milli svæða er tekið mið af félagsþjónustusvæðunum en ekki hverju sveitarfélagi fyrir sig; Félagsþjónustan við Djúp tekur þannig mið af Súðavík og Bolungarvík, Strandabyggð og Reykhólahreppur tekur mið af Strandabyggð, Kaldranarneshreppi, Árneshreppi og Reykhólahreppi og Félagsþjónustan Vestur-Barðastrandarsýslu tekur mið af Vesturbyggð og Táknafirði.

Ráðgjafþjónusta er veitt á öllum félagsþjónustusvæðunum. Stöðugildum í ráðgjöf og stjórnun var skipt samkvæmt tillögu BsVest árið 2010. Endurskoðun á stöðugildum í ráðgjöf og stjórnun þarf að fara fram á árinu 2015.

Félagsþjónusta við Djúp:	0,34 stg.
Ísafjarðarbær	2,02 stg.
Félagsþjónusta Stranda og Reykhólahrepps	0,48 stg.
Félagsþjónusta Vestur- Barðastrandarsýslu	0,16 stg.
Byggðasamlagið	1,0 stg.*

\*Verkefnastjóri er í 80% stg. og 20% stg. eru rekstur og bókhald.

## Fjöldi fatlaðra einstaklinga í virkri þjónustu.


Fjöldi fatlaðra einstaklinga í virkri þjónustu hjá sveitarfélögunum má sjá hér í töflu eitt og er þetta skiptingin fyrir árið 2014.

Ísafjarðarbær er með 57 einstaklinga í virkri þjónustu.

Félagsþjónusta Stranda og Reykhólahrepps er með 17 einstaklinga í virkri þjónustu.


Félagsþjónustan V.Barðastrandasýslu er með 10 einstaklinga í virkri þjónustu.

Félagsþjónustan við Djúpið er með 14 einstaklinga í virkri þjónustu.



Tafla 1 Fjöldi í virkri þjónustu

Samtals eru 43 börn á svæði BsVest sem er með fötlunargreiningu, þau skiptast milli félagsþjónustusvæða eins og sést á töflu tvo.



Tafla 2 Fjöldi barna með fötlunargreiningu

## Skammtí mavistun Sindragötu 4 – 6 Ísafirði.


Skammtí mavistun þjónar öllum Vestfjörðum en reksturinn er á ábyrgð Ísafjarðarbæjar. Húsnæðið er í eigu Ísafjarðarbæjar.

Þjónustu skammtí mavistunar er ætlað að draga úr álagi á fjölskyldur fatlaðra barna og stuðla með þeim hætti að því að börn geti búið sem lengst í heimahúsum. Fötluð ungmenni og fullorðnir eiga einnig kost á skammtí mavistun með það að markmiði að létta álagi af fjölskyldum þeirra og veita þeim tilbreytingu og búa þau undir að flytja úr heimahúsum.


Skammtí mavistunin er nýtt af öllum félagsþjónustusvæðum en mjög misjafnlega þó. Svæðin sem lengst eru í burtu nýta sér þjónustu hennar frá vori fram á haust en svæðin næst henni nýta sér hana allt árið. Fullorðið fólk sem fær þjónustu skammtí mavistunar er einnig í Hæfingarstöðinni Hvestu á dvalartímanum.

Í skammtí mavistuninni eru 3,98 stöðugildi.

Árið 2014 fengu fjögur börn þjónustu skammtí mavistunarinnar og skiptist þannig eftir þjónustusvæðum:



Tafla 3 Fjöldi þjónustunotenda skammtí mavistunar eftir félagsþjónustusvæðum



Tafla 4 Nýting félagsþjónustusvæðanna á skammtí mavistun eftir sólarhringsfjölda á ári

Rekstrarniðurstaða skammtímavistunar frá árinu 2009.

2009- greinargerð	2010 - SVest	2011 - Félagsþjónustan	2012- Félagsþjónustan	2013- Félagsþjónustan	2014- Félagsþjónustan
34,5 m.kr.	45,1 m.kr.	44,7 m.kr.	49,65 m.kr.	48,1 m.kr.	36.4 m. kr.


Tafla 5 Rekstrarniðurstaða skammtímavistunar frá 2009-2014

### Stuðningsfjölskyldur.

Fjölskyldur fatlaðra barna eiga kost á þjónustu stuðningsfjölskyldu eftir því sem þörf krefur til að létta álagi af fjölskyldum. Starfsmenn félagsþjónustunnar sjá um að útvega stuðningsfjölskyldu, gera samninga við hana, skipuleggja dvöl barnsins og veita upplýsingar. Stuðningsfjölskyldan hefur barnið hjá sér að jafnaði í tvo til þrjá sólarhringa í mánuði og ber ábyrgð á velferð þess meðan á dvölinni stendur. Allt er þetta gert í nánu samstarfi við foreldra.

Á árinu 2014 voru 9 börn og einn fullorðinn með stuðningsfjölskyldu, frá einum til þrjá sólarhringa í mánuði. Þrjú félagsþjónustusvæði hafa veitt þessa þjónustu og skiptist hún milli þeirra eins og taflan hér fyrir neðan sýnir.

Fjöldi þeirra sem fær þjónustu stuðningsfjölskyldu skipt eftir félagsþjónustusvæðum.



Tafla 6 Fjöldi stuðningsfjölskyldusamninga

Stuðningsfjölskyldur samanburður milli ára.

Greinargerð 2009	SVest 2010	BsVest 2011	BsVest 2012	BsVest 2013	BsVest 2014
11 samningar	9 samningar	9 samningar	9 samningar	10 samningar	9 samningar
22 sólarhringar á mánuði	15,5 sólarhringar á mánuði	19,8 sólarhringar á mánuði		23,3 sólarhringar á mánuði	22,45 sólarhringar

Tafla 7 Stuðningsfjölskyldur samanburður milli 2009-2014

\*inn í árinu 2010 og 2011 eru tveir þjónustusamningar sem flokkast sem stuðningsfjölskyldusamningar.

## Sumarúrræði.

Samkvæmt lögum um málefni fatlaðs fólks nr. 59/1992, með síðari breytingum segir að stuðla skuli að því að fötluð börn eigi kost á sumardvöl þegar þörf krefur. Misjafnt er milli félagsþjónustusvæða hver þörfin er fyrir sumardvöl en ekki hefur verið boðið upp á hana á Vestfjörðum, sumarúrræði hafa verið í boði og hafa þau verið einstaklingsmiðuð og sérsniðin að hverjum og einum einstaklingi á hverju félagsþjónustusvæði fyrir sig.

Hjá Ísafjarðarbæ var veittur stuðningur fyrir börn á almennu leikjanámskeiði.

Hjá Félagsþjónustu Vestur-Barðastrandasýslu var engin umsókn um sumarúrræði árið 2014.

Hjá Félagsþjónustu Stranda og Reykhólahrepps fékk eitt barn sérsniðið sumarnámskeið, sem kostað var af sveitarfélaginu.

Hjá Félagsþjónustunni við Djúp fékk þjónustunotandi sumarþjónustu í skammtímavistun.

## Lengd viðvera

Lengd viðvera var í boði hjá félagsþjónustunni við Djúp og hjá Ísafjarðarbæ, boðið var upp á lengda viðveru fatlaðra grunnskólabarna í 5.–10. bekk, en lengd viðvera framhaldsskólabarna var í boði hjá Ísafjarðarbæ. Kostnaður við lengda viðveru árið 2014 var kr. 2.153.835,- Framlag Jöfnunarsjóðs sveitarfélaga vegna lengdrar viðveru fatlaðra barna var kr. 742.245,- fyrir árið 2014 sem skiptist milli þessa tveggja félagsþjónustusvæða eins og gert var ráð fyrir frá jöfnunarsjóð.

## Hæfingarstöðin Hvesta.

Hvesta er á Ísafirði og ber Ísafjarðarbær ábyrgð á rekstrinum en fullorðnir einstaklingar með fötlun á Vestfjörðum hafa kost á að starfa þar. Þeir sem búa annarstaðar en á norðanverðum Vestfjörðum geta sótt um tímabundið starf þar á meðan á dvöl þeirra í skammtímavistun stendur.

Húsnæði Hæfingarstöðvarinnar er í eigu einkaaðila og tók Ísafjarðarbær við langtíma leigusamningi.

Hlutverk Hvestu er að tryggja starfsfólki með fötlun sambærilegt vinnuumhverfi á við aðra þannig að þeir njóti almennra lífsgæða. Jafnframt er lögð rík áhersla á einstaklingsmiðaða þjónustu. Einnig er hlutverk hæfingarstöðvarinnar að auka hæfni fatlaðs fólks til starfs og taka þátt í daglegu lífi.




Í Hvestu er starf hvers og eins miðað við getu viðkomandi og áhugasvið og skiptist starfið niður í eftirfarandi þætti:

- ✓ Starfs og félagsleg þjálfun til að takast á við starf á almennum vinnumarkaði eða tengingu við fyrirtæki á almennum markaði.
- ✓ Undirbúningur fyrir ýmis viðfangsefni jafnt innan eigin heimilis eða utan þess.

Í lok árs 2014 voru fastir starfsmenn með fötlun 16 talsins. Nokkuð misjafnt er hversu lengi dags starfsmenn eru við dagleg störf í Hvestu og einnig er misjafnt hvort starfsmenn eru í hæfingu eða iðju. Dagleg þjónusta er frá tveim tímum 2x í viku upp í átta tíma á dag og miðast vinnutíminn af getu hvers og eins.

Skipting milli félagsþjónustusvæða.



Tafla 8 Hvesta

Rekstrarniðurstaða Hvestu.

2009- greinargerð	2010 – Svest	2011– Félagsþjónustan	2012– Félagsþjónustan	2013– Félagsþjónustan	2014– Félagsþjónustan
<b>Upplýsingar vantar.</b>	31.6 m.kr.	32 m.kr.	30.54 m.kr.	31.30 m.kr.	35.35 m. kr.

Tafla 9 Rekstrarniðurstaða Hvestu

### Vinnusamningar.

Eitt að hlutverkum félagsþjónustunnar er að vera milligöngumaður fyrirtækja og Tryggingastofnunar ríkisins um gerð örorkuvinnusamninga. Þeir gefa einstaklingi með skerta vinnufærni tækifæri til launaðrar vinnu samkvæmt kjarasamningum á almennum vinnumarkaði.

- Atvinna með stuðningi

Atvinna með stuðningi (AMS) felur í sér víðtækan stuðning við þá sem hafa skerta vinnugetu vegna andlegrar og/eða líkamlegrar fötlunar. Stuðningur felst í aðstoð við að finna starf við hæfi á almennum vinnumarkaði og þjálfun á vinnustað ásamt eftirfylgd.

Unnið er markvisst að því að fólk með fötlun sem þess óskar komist til starfa á almennum vinnumarkaði.

Árið 2014 voru alls sex örorkusamningar í gildi.

### Búseta – sólahringsþjónusta.

Í lögum um málefni fatlaðs fólks nr.92/1992, með síðari breytingum segir að fatlaður einstaklingur eigi rétt á þjónustu þar sem hann kýs að búa.

Unnið er eftir stefnu stjórnvalda og byggðasamlagsins varðandi stuðning við fatlað fólk í búsetumálum. Fatlað fólk skal eiga kosta á félagslegri þjónustu sem gerir því kleift að búa á eigin heimili og húsnæðisúrræðum í samræmi við þarfir þess og óskir eftir því sem kostur er. Unnið er eftir þeirri stefnu að búsetuþjónustan sé skipulögð og veitt á einstaklingsforsendum þar sem horft er til möguleika einstaklingsins til að hafa áhrif á eigið líf, njóta einkalífs, búa við öryggi, njóta félagslegs samneytis og njóta lífsfyllingar.

Á Vestfjörðum hefur verið boðið upp á sólahringsþjónustu á Ísafirði, einnig er þjónustuíbúð á svæði Félagsþjónustu Strandabyggðar og Reykhólahrepps.

Árið 2013 setti Ísafjarðarbær af stað verkefni til að gera betri og bættari búsetuúrræði. Þau voru tilbúin í lok árs 2014 og var það fjórar nýjar einstaklingsíbúðir með aðgengi fyrir fatlaða og einnig ein ný búseta í Sindragötu.

Búsetuúrræði voru veitt á þrem stöðum á Ísafirði og byrjaði ein búseta á Hólmavík í lok árs 2014. Búsetuþjónusta er veitt til þriggja einstaklinga sem eiga íbúðir sínar, einnig eru sex einstaklingar að leigja íbúðir af sveitarfélögunum, sem fá búsetuþjónustu þangað. Íbúar í búsetu eru í stuðningsflokkum SIS mats frá V til XII. A og samkvæmt þeim stöðlum er það fólk sem hefur mikla stuðningsþörf.

Rekstrarniðurstaða búsetu.

	2009- greinagerð	2010- SVest	2011 Félagsþjónustan	2012 Félagsþjónustan	2013 Félagsþjónustan	2014 Félagsþjónustan
Ísafjarðarbær	71 m.kr.	80,8 m.kr.	97,6 m.kr.	111.7 m.kr.	133.4 m.kr.	170.5 m. kr.
Félagsþjónusta Stranda Reykhóla	Ekki og upplýsingar	8,1 m.kr.	9,8 m.kr.	10.4 m.kr.	7,1 m.kr.	5.4 m. kr.

Tafla 10 Rekstrarniðurstaða búsetu

Mikla kostnaðaraukningu í búsetu hjá Ísafjarðarbæ árið 2014, má rekja til tveggja nýrra einstaklinga sem báðir eru með mikla þjónustuþörf.

### Frekari liðveisla.

Í lögum um málefni fatlaðs fólks nr.59/1992, með síðari breytingum er kveðið á um að fatlað fólk eigi rétt á frekari liðveislu og í reglugerð um þjónustu við fatlað fólk á heimili sínu er talað um frekari liðveislu sem sérstakan stuðning sem er margháttuð aðstoð við athafnir daglegs lífs. Þessi stuðningur tekur meðal annars mið af einstaklingsbundnum þörfum fólks með hliðsjón af óskum þess eða aðstandanda.

Frekari liðveisla er þjónusta sem er veitt hjá þremur félagsþjónustusvæðum af fjórum.

	2009- greinargerð	2010- SVest	2011 Félagspjónusta	2012 Félagspjónusta	2013 Félagspjónusta	2014 Félagspjónusta
Ísafjarðarbær	22	17	15	21	19	18
Félagspjónustan við Djúp	5	3	3	3	2	1
Félagspjónusta Stranda og Reykhóla	5	4	4	3	2	8
Félagspjónusta Vestur-Barðastrandarsýslu	0	0	0	0	0	0
Samtals	32	24	22	27	24	18

Fjöldi í þjónustu:

Tafla 11 Fjöldi í þjónustu (Frekari liðveislu)

Fjöldi stöðugilda:

	2009- greinagerð	2010- SVest	2011 Félagspjónusta	2012 Félagspjónusta	2013 Félagspjónusta	2014 Félagspjónusta
Ísafjarðarbær	4,5 stg ( norðanverðir Vestfirðir)	3,89 stg	3,89stg.	3,89stg. * 1/10 jókst í 4,89 stg	4,89 stg.	4,89 stg.
Félagspjónustan við Djúp	-----	0,35 stg.	0,27 stg.	0,27 stg	0,27 stg	0,27 stg
Félagspjónusta Stranda og Reykhóla	0,60 stg.	0,62 stg..	0,50 stg.*	0,4 stg	3 stg	3 stg
Félagspjónusta Vestur-Barðastrandar sýslu	0	0	0	0	0	0
	5,1 stg.	4,86 stg.	4,76 stg.	4,56 stg* 5,56	8,16 stg	8,16 stg

Tafla 12 Fjöldi stöðugilda (Frekari liðveisla)

\* fyrstu 9 mánuði ársins.

Rekstrarniðurstaða:

	2009- greinargerð	2010- SVest	2011 Félagsþjónusta	2012 Félagsþjónusta	2013 Félagsþjónusta	2014 Félagsþjónusta	
Ísafjarðarbær	*	21,4 m.kr. (norðanverðir Vestfirðir )	21,3 m.kr.	19,1 m.kr	23,4 m.kr.	24,2 m.kr.	
Félagsþjónustan við Djúp	*	----	0,9 m.kr.	1,1 m.kr	1 m.kr.	1,5 m.kr.	
Félagsþjónusta Stranda og Reykhóla	*	2 m.kr.	1,5 m.kr.	10,4 m.kr	10,7 m.kr.	10 m.kr.	
Félagsþjónusta Vestur-Barðastrandarsýslu	*	0	0	0	0	0	
<b>Samtals:</b>		22,5 m.kr.	24,4 m.kr.	23,37 m.kr.	30,6 m.kr	35,1 m.kr.	35,7 m.kr.

Tafla 13 Rekstrarniðurstaða (Frekari liðveisla)

\*Fyrirliggjandi upplýsingar fyrir 2009 er einungis heildarniðurstaða.

## Vesturafl

Vesturafl er miðstöð fyrir fólk sem vegna veikinda og/eða annarra tímabundinna aðstæðna býr við skert lífsgæði og getur því ekki tekið virkan þátt í samfélaginu, vinnu eða inni á heimili. Til þessa geta talist geðsjúkdómar, krabbamein, hjartasjúkdómar, stoðkerfissjúkdómar og ýmislegt fleira. Í miðstöðinni er boðið upp á fjölbreytta þjónustu við hæfi hvers og eins. Þjónustan byggist upp á valdeflingu notandans. Rekstraraðilar Vesturafls eru BsVest, Ísafjarðarbær, Bolungarvíkurkaupstaður, Súðavíkurhreppur og Rauði krossinn.

Samanburður milli ára á framlögum og stöðugildi.

	2009 greinargerð	- 2010 – Svest	2011 félagsþj.	- 2012 félagsþj.	- 2013 félagsþj.	- 2014– Bs Vest
<b>Stöðugildi</b>	1,2 st.gildi	1,2 st.gildi	1,4 st.gildi	1,2 st.gildi	1,2 st.gildi	1,2st.gildi
<b>Kostnaður við stöðugildi</b>	5.2 m.kr.	5.3 m.kr.	5.9 m.kr.	5.6 m.kr.	5,8 m.kr.	5,8 m.kr.

Tafla 14 Framlög og stöðugildi

## Staðan- Verkefni framundan.

Í byrjun árs 2014 var farið yfir styrkumsóknir og veittir styrkir til 14 einstaklinga fyrir árið 2013 vegna náms, verkfæra og tækjakaupa. Styrkirirnir fóru aðeins fram úr áætlun, en áætlun styrkuppþæðar er 500.000 kr. en veittur var styrkur fyrir 517.543 kr.. Var einn styrkurinn geymdur til ársins 2014 þar sem ekki lágu fyrir öll gögn vegna hans. Verkefnahópur lagði til við stjórn að hækka framlög um kr. 100.000,- fyrir árið 2014 og var það samþykkt.

Mikið hefur verið um skýrslugerðir og annað sem krefst samvinnu á milli félagsþjónustusvæða og verkefnastjóra.

Ný búsetuúrræði bæði hjá félagsþjónustu Stranda og Reykhólahrepps og V-Barðastrandasýslu voru í kortunum árið 2014. Félagsþjónusta V-Barðastrandasýslu fékk takmarkað framlag árið 2013 til að hefja nýja þjónustu, því var ekki byrjað á búsetu árið 2014. Búsetan hjá félagsþjónustu Stranda og Reykhólahrepps hófst formlega í desember 2014.

Reglur varðandi stuðningsfjölskyldur voru endurskoðaðar, með tilliti til hækkunar greiðslu til stuðningsfjölskyldna fyrir árið 2015. Einnig voru gerðar reglur sem snúa að notendastýrðri persónulegri aðstoð (NPA). Þær reglur voru samþykktar seinni hluta árs 2014.

Verkefnahópur fór yfir þjónustusamningin sem rann út í lok árs 2014 og einnig samstarfssamning milli sveitarfélaga sem koma að BsVest og kynnti verkefnastjóri fyrir stjórn, stjórn samþykkti samningana og fól Verkefnastjóra að senda samningana í lok árs 2014. Vegna niðurstöðu jöfnunarsjóð um greiðslu framlaga árið 2014 í lok árs 2014, þar sem fram kom mikil lækkun framlaga til málaflokks fatlaðs fólks á Vestfjörðum fyrir árið 2014 gerði það að verkum að þjónustu- og samstarfsamningar voru ekki sendir út að beiðni stjórnar BsVest.

Þann 8. október 2014 var fundur haldin í Reykjavík með framkvæmdastjórum sveitarfélaga, verkefnahóp og stjórn BsVest um framhald BsVest, vegna undanþágu sem Innanríkisráðherra þarf að veita vegna íbúafjölda, reglur segja til um að byggðasamlög þurfi að vera með yfir 8000 íbúa til að geta unnið sem byggðasamlag, undanþágan var veitt eftir yfirfærsluna og þurfti að endurnýja hana fyrir árið 2015, öll sveitarfélög sem viðkoma BsVest voru sammála því að halda áfram samstarfinu, svo framarlega sem framlög jöfnunarsjóðs til málaflokksins myndu standa undir þjónustu við fatlað fólk.

Vinna varðandi fjárhagsáætlun 2015 hófst í nóvember 2014 kom í ljós að áætlun sveitarfélaga var ívið hærri en framlög jöfnunarsjóðs gerðu ráð fyrir eða um 60. millj. kr. Verkefnastjóra var falið í desember s.l., eftir fund með framkvæmdastjórum sveitarfélaga að leita leiða til að framlög til Vestfjarða myndu haldast í takt við áætlun sveitarfélaga.

Fjárhagsáætlun 2015 var samþykkt með þeim formerkjum sem eru hér á undan, í lok árs 2014 eða nánar þann 30. desember fékk BsVest tölvupóst frá Jöfnunarsjóð þar sem tilkynnt var að breytingar hefðu orðið á framlögum og verkefnastjóra falið að hringja við tækifæri til jöfnunarsjóðs til að fá nánari upplýsingar varðandi framlögin fyrir 2014. Þann 5. Janúar 2015 var haldinn símafundur með jöfnunarsjóð, verkefnastjóra, framkvæmdastjóra BsVest og

formanni stjórnar BsVest þar sem jöfnunarsjóður tilkynnti að framlög til BsVest fyrir árið 2014 hefðu lækkað um 60 millj. kr. frá síðustu útreikningum sjóðsins og þær skýringar sem fram komu voru vegna endurmat á SIS mati og tilfærslu einstaklinga á milli svæða. Í ljós kom síðan að mesta lækkunin væri vegna barna sem urðu 18 ára á árinu 2013 og byrjuðu að fá framlög sem fullorðnir einstaklingar árið 2014, því lækkuðu framlög til þeirra samanlagt um 52% milli ára. Jöfnunarsjóður er með viðbótarframlag sem hægt er að sækja í þegar mál eins og þessi koma upp, BsVest sótti um 52. millj. kr. viðbótarframlag þann 20. janúar s.l.. Viðbótarframlaginu var skipt á milli sjö þjónustusvæða og fengu Vestfirðir kr. 35.474.000,-, endanleg áætlun fyrir árið 2014 og viðbótarframlag frá jöfnunarsjóð lágu fyrir þann 10. febrúar 2015.

Nóg er framundan á árinu 2015 og sú mikla vinna sem hefur verið unnin, til að leita leiða til að fá aukið fjármagn frá ríkinu hefur ekki skilað sér, Í byrjun árs 2015 sendi stjórn frá sér ályktun til sveitarfélaga og fór á þá leið að ef nægt fjármagn myndi ekki fást fyrir málaflökkinn mun BsVest fara í viðræður við Velferðarráðuneytið um að ríkið taki aftur við málaflökknum á Vestfjörðum, jákvæð svör bárust frá öllum sveitarfélögum og farið var í þá vinnu að fá fund með ráðherra og fá mat frá utanaðkomandi aðila til að taka út þjónustu og starf sem viðkemur BsVest.

Jöfnunarsjóður fékk til starfa ráðgjafa frá R3 ráðgjöfum, sem utanaðkomandi aðila til að taka út starfið, þeir hafa verið að taka út fleiri þjónustusvæði á landinu sem ekki hafa komið vel út. Skýrslan barst BsVest þann 12 júlí s.l.. Niðurstaða skýrslunnar er sú, nokkrir punktar eru í skýrslunni sem BsVest er beðið um að skoða nánar, við nánari athugun sést að ekki er um mikla hagræðingu að ræða í þessum punktum í skýrslunni og ekkert sem bendir til þess að aðildarsveitarfélög BsVest séu að veita of mikla þjónustu til einstaklinga. Eins og BsVest hefur oft tjáð sig um, er að þjónusta á dreifbýlu og fámennu svæði er mun dýrari en þar sem þéttbýli og margmenni ráða ríkjum.

Árið 2015 hefur verið í biðstöðu eftir svörum frá jöfnunarsjóð, verkefnastjóri hefur eytt miklum tíma í fundi og bréfaskrif til jöfnunarsjóðs og aðila sem koma að málaflökknum. Þann 12 júlí s.l. fékk BsVest þær upplýsingar að ekki væri búið að loka fyrir árið 2015 í breytingu á framlögum og mun nýtt áætlað framlag koma með haustinu.

Sif Huld Albertsdóttir  
Verkefnastjóri BsVest